

**ORDENANZA Nº IV.2 REGULADORA DOS
PREZOS PÚBLICOS**

FUNDAMENTO

Artigo 1

De conformidade co previsto no artigo 117, en relación co artigo 41 da Lei 39/88, de 28 de decembro, este Concello establece a presente Ordenanza Xeral reguladora dos aspectos xerais e comúns a tódolos prezos públicos que se acordan establecer neste Concello, e que figuran relacionados no Anexo I nesta Ordenanza.

OBRIGADOS Ó PAGAMENTO

Artigo 2

1. Estarán obrigados ó pagamento de prezos públicos os que disfruten, utilicen ou aproveiten especialmente o dominio público en beneficio particular, ou se beneficien dos servizos ou actividades polos que deben satisfacer estes.

2. Non estarán obrigados ó pagamento de prezos públicos as Administracións públicas polos aproveitamentos inherentes ós servizos públicos de comunicacións que exploten directamente e por tódolos que inmediatamente interesen á seguridade cidadá ou á defensa nacional.

FIXACIÓN DA CONTÍA

Artigo 3

1. O importe dos prezos públicos por prestación de servizos ou realización de actividades deberá cubrir, como mínimo, o custo do servizo prestado ou da actividade realizada.

2. O importe dos prezos públicos pola utilización privativa ou aproveitamento especial do dominio público fixarase tendo como referencia o valor do mercado correspondente ou o da utilidade derivada deste.

3. Cando se trate de prezos públicos pola utilización privativa ou aproveitamentos especiais constituídos no solo, subsolo ou voo das vías públicas municipais, a favor de empresas explotadoras de servizos de subministros que afecten á xeneralidade ou a unha parte importante da veciñanza, o importe

destes consistirán, en todo caso e sen ningunha excepción, no un e medio por cento dos ingresos brutos procedentes da facturación que obteñan anualmente en cada termo municipal estas empresas.

4. Cando existan razóns sociais, benéficas, culturais ou de interese público que así o aconsellen, a Entidade poderá fixar prezos públicos por debaixo dos límites previstos nos apartados anteriores.

**ENTIDADE E ÓRGANO COMPETENTE PARA
FIXA-LOS PREZOS PÚBLICOS**

Artigo 4

1. A fixación ou modificación da contía dos prezos públicos, así como dos demais elementos variables das mesmas, agás que unha lei especial dispoña o contrario, realizarase:

a) Pola Comisión de Goberno se o Pleno lle delega tal competencia de acordo co disposto no artigo 48 da L.R.F.L.

b) Polo Órgano competente dos organismos autónomos sempre que os prezos cubran o custo dos servizos a cargo destes organismos e exista acordo previo de establecemento dos prezos pola Entidade Local.

c) A mesma atribución poderá facerse en iguais termos respecto dos consorcios.

2. Toda proposta de fixación ou modificación de prezos públicos deberá ir acompañada dunha memoria económica-financeira que xustificará o importe dos mesmos.

3. Cando a Entidade Local acorde a imposición de prezos públicos polos servizos que xestionen Organismos Autónomos ou consorcios e atribúa a esta competencias para fixa-los prezos públicos, os organismos autónomos e os consorcios enviarán á Entidade Local da que dependan, copia da proposta e do estudo económico do que se desprenda que os prezos públicos cobren o custo do servizo.

NACEMENTO DA OBRIGA DO PAGAMENTO

Artigo 5

1. A imposición inicial ou modificación dos prezos públicos entrará en vigor unha vez que o acordo de fixación ou modificación dos prezos apareza publicado no B.O.P. e serao de acordo co que se estableza nestes acordos.

2. Unha vez producida a entrada en vigor dos prezos públicos a obriga do pagamento nace dende que se inicie a prestación do servizo ou a realización da actividade, ou se conceda a utilización privativa ou aproveitamento especial.

3. Os concellos, cando así o establezan nos respectivos acordos de determinación dos prezos e os demais elementos variables peculiares, poderán esixi-lo depósito previo do seu importe total ou parcial.

XESTIÓN

Artigo 6

1. Nos prezos públicos pola utilización privativa ou o aproveitamento especial do dominio público local:

a) Tratándose da primeira autorización:

▪ Liquidarase e esixirase o prezo público no momento da presentación da solicitude en calidade de depósito previo, se así o establece o acordo de fixación do prezo.

▪ Liquidarase e esixirase ó autorizarse a prestación ou realización da actividade, notificándose co acto de autorización, se así o establece o acordo de fixación do prezo.

▪ Se as utilizacións e os aproveitamentos se realizan sen mediar solicitude, liquidarase e notificarase ó interesado o importe do prezo público, sen prexuízo das sancións e recargos que procedan.

b) Tratándose de utilizacións ou aproveitamentos xa autorizados e prorrogados, unha vez incluídos nos padróns ou matrículas esixiranse, nos períodos que determine o acordo de fixación do prezo ou, no seu caso, determine o Alcalde-Presidente, e o prazo en período voluntario de ingreso será de 2 meses, previa publicación no Boletín Oficial da Provincia.

2- Nos prezos públicos pola prestación de servizos ou realización de actividades:

a) Na primeira autorización de prestación do servizo ou realización da actividade:

▪ Liquidarase e esixirase o prezo público no momento da presentación da solicitude en calidade de depósito previo, se así o establece o acordo de fixación do prezo.

▪ Liquidarase e esixirase ó autorizarse a prestación ou realización da actividade, notificándose

co acto de autorización, se así o establece o acordo de fixación do prezo.

▪ Se se utiliza o servizo ou a realización da actividade sen previa solicitude liquidarase e notificarase ó obrigado ó pagamento, sen prexuízo das sancións e recargos que procedan.

▪ Se as utilizacións e os aproveitamentos se realizan sen mediar solicitude liquidarase e notificarase ó interesado o importe do prezo público, sen prexuízo das sancións e recargos que procedan.

b) Tratándose de servizos ou actividades xa autorizados e prorrogados, unha vez incluídos nos padróns ou matrículas esixiranse, nos períodos que determine o acordo de fixación do prezo ou, no seu caso, nos que determine o Alcalde-Presidente, e esixirase o seu ingreso no prazo de 2 meses a partir da súa publicación no Boletín Oficial da Provincia.

COBRANZA

Artigo 7

1. Tratándose da primeira autorización: No momento de presentala solicitude. Non obstante, poderán os Concellos establecer que a cobranza se efectúe unha vez tramitada a correspondente solicitude de autorización, previa liquidación e notificación do prezo público, nos períodos que se sinalen no acordo de fixación do prezo público ou, no seu caso, nos que determine a Alcaldía-Presidentencia. O prazo de ingreso en período voluntario será de un mes a partir da notificación individual que se practique. En todo caso, o pagamento ha de ser anterior á concesión da autorización.

2. Tratándose de autorizacións xa concedidas e prorrogadas: Esixirase a súa cobranza polo sistema de padrón ou matrícula e esixirase nos períodos que se sinalen no acordo de fixación do prezo ou, no seu caso, nos períodos que determine a Alcaldía-Presidentencia. O prazo de ingreso en período voluntario será de dous meses contados a partir da publicación no Boletín Oficial da Provincia.

3. As débedas por prezos públicos poderán esixirse polo procedemento administrativo de constrinximento, séndolle de aplicación o disposto na normativa tributaria (Lei Xeral Tributaria, Regulamento Xeral de Recadación, Instrucción Xeral de Recadación Contabilidade e demais normativa aplicable).

4. Se a administración e cobranza de prezos públicos é realizado por organismo autónomos ou consorcios, unha vez transcorrido o período de

pagamento en período voluntario deberán solicitar do Concello que proceda á cobranza dos prezos polo procedemento de constrinximento e, a tal efecto, acompañarán a correspondente relación de debedores e os xustificantes acreditativos das xestións realizadas para a cobranza en vía voluntaria.

CONTIDO E REQUISITOS DOS ACORDOS DE FIXACIÓN DOS PREZOS PÚBLICOS

Artigo 8

1. A fixación da contía e demais elementos variables farase por acordo do órgano competente, ó que alude o artigo 4 da presente Ordenanza.

2. O citado acordo conterá as seguintes determinacións:

a) Obrigados ó pagamento. Se fora preciso introducir algún matiz, ó previsto no artigo 2 da Ordenanza Xeral.

b) Bases e porcentaxes aplicables e demais elementos necesarios para determina-la súa contía.

c) Determinación do momento de esixibilidade do prezo público e se se esixe ou non depósito previo.

d) Períodos e prazos do pagamento en período voluntario.

e) Procedemento de liquidación e notificación nos supostos non previstos nesta Ordenanza Xeral.

f) Outros aspectos que se consideren necesarios para a axeitada xestión dos prezos públicos.

g) Normas de aplicación da clasificación das rúas por categorías.

RECURSOS

Artigo 9

1. Contra os acordos de determinación ou fixación dos prezos públicos procede a interposición do recurso de reposición previo ó contencioso-administrativo. O prazo computarase dende o día seguinte ó da publicación no B.O.P. do texto íntegro do prezo público.

2. Contra os actos concretos de aplicación e efectividade dos prezos públicos poderán os interesados interpoñer-lo recurso de reposición previo ó Contencioso-Administrativo.

3. A interposición destes recursos non suspenderá en ningún caso a acción administrativa para a cobranza.

DISPOSICIÓN ADICIONAIS

PRIMEIRA. DEVOLUCIÓN DE INGRESOS INDEBIDOS.

Cando por causas non imputables ó obrigado ó pagamento do prezo, o servizo público, a actividade administrativa ou o dereito á utilización do dominio público non se preste ou desenvolva, procederá a devolución do importe correspondente.

SEGUNDA. RÉXIME XURÍDICO SUPLETORIO

No non previsto na L.R.F.L. e na presente Ordenanza Xeral seralle aplicable o disposto na Lei de Taxas e Prezos Públicos, Lei Xeral Presupostaria e demais normas que resulten de aplicación ás mesmas.

DISPOSICIÓN FINAL.

Esta Ordenanza entrará en vigor o día 1 de xaneiro de 1990 unha vez que se publique o seu texto íntegro no B.O.P. e transcorra o prazo previsto no artigo 65.2 da Lei 7/85, de 2 de abril.

PUBLICADO BOP (reordenación ordenanzas): 30/12/2013